

# GETROUHEID AFDELING

## OMSKREWE GEBEURTENISSE

1. Verlies van geld en/of ander eiendom wat aan die Versekerde behoort of waarvoor hy verantwoordelik is en wat deur 'n versekerde Werknemer gedurende die geldigheidsduur van hierdie afdeling gesteel word.
2. Regstreekse finansiële verlies wat die Versekerde ly weens bedrog of oneerlikheid van 'n versekerde Werknemer wat alles gedurende die geldigheidsduur van hierdie afdeling plaasvind en wat lei tot oneerlike persoonlike finansiële voordeel vir die betrokke Werknemer.

Met dien verstande dat:

1. (a) die Maatskappy nie aanspreeklik is nie vir alle verliese wat langer as 24 maande voor ontdekking plaasgevind het;  
(b) alle verliese ontdek word nie langer as 12 maande nie ná die beëindiging van:
  - (i) hierdie afdeling; of
  - (ii) hierdie afdeling ten opsigte van enige versekerde Werknemer betrokke by 'n verlies; of
  - (iii) die diens van die versekerde Werknemer of die laaste van die versekerde Werknemers betrokke by 'n verlies

na gelang van wat eerste plaasvind;

2. OORDEKKENDE GRONDSLAG (van toepassing indien hierdie grondslag in die bylae aangedui is) - die Maatskappy se aanspreeklikheid vir alle verliese hoogstens die versekerde bedrag vermeld in die bylae beloop hetsy dit enige enkele Werknemer is of enige aantal Werknemers wat saamspan of onafhanklik van mekaar optree;
3. NAAM-OFPOSGRONDSLAG (van toepassing indien hierdie grondslag in die bylae aangedui is) - die Maatskappy se aanspreeklikheid vir alle verliese waarby enige Werknemer betrokke is hoogstens die versekerde bedrag beloop wat teenoor sy naam in die bylae vermeld word, of as hy nie vermeld word nie, die versekerde bedrag teenoor die pos wat hy in die besigheid beklee, soos in die bylae vermeld;
4. hernuwing van hierdie versekering van tydperk tot tydperk of enige verlenging van enige versekeringstydperk nie die uitwerking het dat dit die Maatskappy se aanspreeklikheid ophoop of verhoog bódie versekerde bedrag vermeld in die bylae nie. Indien die versekeringstydperk korter as 12 maande is, word die Maatskappy se aanspreeklikheid beperk tot die bedrag in die bylae vermeld gedurende enige versekeringstydperk van 12 maande bereken vanaf aanvang of hernuwing;
5. die uitdrukking "oneerlike persoonlike finansiële voordeel" nie voordeel deur 'n Werknemer in die vorm van salaris, salarisverhogings, gelde, kommissies, bonusse, bevorderings of ander vergoeding insluit nie;
6. indien die premie maandeliks per debietorder betaal word, sal die aanspreeklikheid van die Maatskappy gedurende enige enkele periode van 12 opeenvolgende maande vanaf die intree- of hernuwingsdatum nie die versekerde bedrag soos aangedui in die bylae, by die gemelde intree- of hernuwingsdatum, soos wat die geval mag wees (of dubbeld die versekerde bedrag indien die "Klousule: Vermindering/Herstel van versekerde bedrag" van toepassing is), oorskry nie. Indien die versekerde bedrag verhoog word gedurende die versekeringstydperk, geld die 12 opeenvolgende maande vanaf die hernuwingsdatum. Enige herstel tussen die datum van die verhoging en die hernuwingsdatum sal nie meer as dubbeld die versekerde bedrag wees nie.

## OMSKRYWING

**Werknemer** beteken:

1. enige persoon wat ingevolge 'n dienskontrak of vakleerlingskap by die Versekerde in diens is;
2. enige persoon wat van enige ander party aan die diens van die Versekerde gehuur of geleen word;

wat die Versekerde te alle tye in die loop van sy besigheid geregtig is om te beheer en te beveel in die uitvoering van sy werk en, indien hierdie afdeling op 'n naam- en/of posgrondslag is, wat by wyse van hierdie name en/of pos wat hy in die besigheid beklee, in die bylae beskryf word.

## SPEKIFIEKE UITSLUITINGS

1. Die Maatskappy is nie aanspreeklik nie vir verlies voortvloeiende uit of waartoe bygedra word deur enige omskrewe gebeurtenis deur:
  - 1.1 enige vennoot van die Versekerde tot die mate waartoe sodanige vennoot baat sou vind by die skadeloosstelling wat ingevolge hierdie polis verleen word;
  - 1.2 enige prinsipaal, direkteur of lid van die Versekerde tensy sodanige direkteur of lid ook 'n Werknemer is;
  - 1.3 enige Werknemer vanaf die tyd dat die Versekerde bewus word dat sodanige Werknemer enige daad van bedrog of oneerlikheid gepleeg het;
2. Die Maatskappy is nie aanspreeklik nie vir enige gevolglike verlies van enige aard wat plaasvind ná verliese waarna in die omskrewe gebeurtenisse verwys word.
3. Hierdie afdeling dek nie enige maatskappy of ander regsentiteit wat gedurende die versekerings tydperk verkry word nie.
4. Die Maatskappy is nie aanspreeklik nie vir enige omskrewe gebeurtenis indien dit spruit uit oneerlike:
  - 4.1 manipulasie van
  - 4.2 invoering in
  - 4.3 onderdrukking van invoering in
  - 4.4 vernietiging van
  - 4.5 verandering aan

enige rekenaarprogram, -stelsel, -data of -programmatuur deur enige versekerde Werknemer wat by die Versekerde se elektroniese dataverwerkingsafdeling of -gebied in diens is.

Hierdie uitsluiting geld nie vir versekerde Werknemers wat in diens is by die elektroniese dataverwerkingsafdeling/-gebied van enige nie-netwerk mikro-/persoonlike rekenaar nie.

5. Die Maatskappy is slegs tot die mate van die deelname/aandeelhouding van enige onbetrokke vennoot/prinsipaal/direkteur of lid aanspreeklik vir 'n versekerde gebeurtenis waarby enige vennoot/prinsipaal/direkteur of lid van die Versekerde regstreeks betrokke is of was.  
Hierdie spesifieke uitsluiting geld slegs vir vennootskappe, privaatmaatskappye of beslote maatskappye

## SPEKIFIEKE VOORWAARDES

1. Die Versekerde moet al sodanige kontrole- en beheerstelsels, rekening- en klerikale prosedures en metodes vir die bedryf van sy besigheid instel en/of in stand hou en voortgaan om dit toe te pas soos wat deur hom aan die Maatskappy voorgelê word, maar die Versekerde mag:
  - 1.1 die vergoeding en diensvoorwaardes van enige Werknemer verander;
  - 1.2 ten opsigte van enige Werknemer wat by sy naam in die bylae beskryf word, sy pligte en pos verander;
  - 1.3 ten opsigte van enige Werknemer wat slegs by sy pos in die bylae beskryf word, sodanige Werknemer verwyder en enige ander persoon wat binne die woordskrywing van Werknemers, in sy plek aanstel;
  - 1.4 sodanige ander veranderings maak as wat vooraf skriftelik deur die Versekerde se ouditeure goedgekeur word.
2. Indien die Versekerde enige verlies ly waarop hierdie afdeling van toepassing is wat die bedrag betaalbaar hierkragtens oorskry ten opsigte van sodanige verlies, is die Versekerde geregtig op alle verhalings (behalwe uit borgstelling, versekering, herversekering, sekuriteit of skadeloosstelling geneem of aangegaan deur die

Maatskappy of vir die bedrag van enige eerste bedrag betaalbaar) deur wie ook al gemaak as gevolg van sodanige verlies totdat dit ten volle vergoed is vir die onversekerde verlies, minus die werklike koste om dit aan te gaan. Enige oorblywende deel word aangewend tot vergoeding van die Maatskappy tot en met die bedrag betaal ingevolge die eis en enige oorblywende bedrag daarna sal verskuldig wees aan die Versekerde vir vergoeding vir enige eerste bedrag betaalbaar.

## KLOUSULES EN UITBREIDINGS

Andersins onderhewig aan die terme, uitsluitings en voorwaardes van hierdie afdeling en die Algemene afdeling (waarvan alles geldig en toepaslik bly, tensy spesifiek hieronder geskrap of verander), word die dekking ingevolge hierdie afdeling verander of uitgebrei soos hieronder uiteengesit onder elke uitbreiding en klousule (maar waar van toepassing soos hieronder aangedui, slegs indien sodanige uitbreidings en klousules as ingesluit in die bylae vermeld word) onderhewig aan enige versekerde bedrae of eerste bedrae betaalbaar soos vermeld in die bylae onder elke uitbreiding.

### Rekenmeesters

Enige besonderhede of gegewens wat in die Versekerde se rekeningboeke of ander besigheidsboeke of -dokumente vervat word wat deur die Maatskappy benodig mag word ingevolge hierdie afdeling om enige eis hierkragtens te ondersoek of te staaf, mag deur die Versekerde se ouditeure of professionele rekenmeesters gelewer en gesertifiseer word en hulle sertifikaat is prima facie-bewys van die gegewens en besonderhede waarop sodanige sertifikaat betrekking het.

### Rekenaarverliese (indien in die bylae as ingesluit vermeld)

As teenprestasie daarvoor dat die Versekerde 'n bevredigende vraelys voltooi het, word Spesifieke uitsluiting 4 geskrap.

### Verhalingskoste (indien in die bylae as ingesluit vermeld)

Indien die Versekerde enige verlies ly waarop hierdie afdeling van toepassing is en wat die versekerde bedrag hierkragtens oorskry, betaal die Maatskappy benewens die versekerde bedrag hoogstens die bedrag vermeld in die bylae aan die Versekerde vir koste en uitgawes wat noodsaaklikerwys met die toestemming van die Maatskappy (welke toestemming nie onredelikerwys weerhou mag word nie) aangegaan word vir die verhalings of poging tot verhalings vanaf die Werknemer met betrekking tot wie die eis ingestel is, van daardie deel van die verlies wat die versekerde bedrag hierkragtens oorskry. Alle bedrae bó die gemelde deel van die verlies wat deur die Versekerde verhaal word, is tot die voordeel van die Maatskappy tot en met die bedrag van die eis wat deur die Maatskappy betaal is en enige oorblywende gedeelte sal daarna aan die Versekerde verskuldig wees as vergoeding vir enige eerste bedrag betaalbaar wat deur die Versekerde betaal is.

### Uitgebreide dekking vir voormalige Werknemers

Enige persoon wat nie meer 'n Werknemer is nie word vir die doeleindes van hierdie afdeling beskou as synde 'n Werknemer te wees vir 'n tydperk van 30 dae nadat hy opgehou het om 'n Werknemer te wees.

### Regsfooie (indien in die bylae as ingesluit vermeld)

Die Maatskappy sal die Versekerde skadeloos stel vir alle redelike regsfooie, -koste en uitgawes aangegaan en betaal deur die Versekerde in die verdediging van enige aanmaning, eis, regsgeding of regsproses wat die Versekerde tot die bevrediging van die Maatskappy instel, wat regstreeks en alleenlik voortspruit uit 'n versekerde omskrewe gebeurtenis ingevolge hierdie afdeling wat nie andersins ingevolge hierdie afdeling uitgesluit is nie.

### Verliese wat ontdek word langer as 24 maande nadat dit gepleeg is (indien in die bylae as ingesluit vermeld)

As teenprestasie daarvoor dat die Versekerde se ouditeursfirma 'n bevredigende audit gedoen het van die Versekerde se stelsels van

- beheer;
- ontdekking van bedrog, oneerlikheid en diefstal;

en onderworpe daaraan dat die Versekerde al die aanbevelings vervat in sodanige oudit implementeer en in stand hou:

1. word voorbehoudsbepaling 1(a) van die omskrewe gebeurtenisse (wat dekking beperk tot daardie deel van verliese wat binne 24 maande ontdek word) en voorbehoudsbepaling 6 van die uitbreiding: vervangde versekeringklousule (indien van toepassing) geskrap.
2. indien enige omskrewe gebeurtenis ontdek word meer as 12 maande nadat dit gepleeg is, word die eerste bedrae betaalbaar verander na die bedrae wat teenoor hierdie uitbreiding in die bylae vermeld word;
3. niesteenstaande 2 hierbo, mag die Versekerde verkies om slegs vir daardie deel van die verlies te eis wat binne 12 maande ontdek is, in welke geval die eerste bedrag betaalbaar vir daardie tydperk van toepassing is.

### **Verliese wat ontdek word langer as 24 maande nadat dit gepleeg is, maar nie langer as 36 maande daarna nie** (indien in die bylae as van toepassing vermeld)

1. Voorbehoudsbepaling 1(a) van die omskrewe gebeurtenisse word verander om soos volg te lees:
  1. (a) die Maatskappy is nie aanspreeklik nie vir alle verliese wat plaasgevind het langer as 36 maande voor ontdekking.
2. Indien hierdie polisafdeling die klousule: vervangde versekering insluit, word die tydperk waarna in voorbehoudsbepaling 6 daarvan verwys word vanaf 24 maande tot 36 maande verleng.
3. Indien enige omskrewe gebeurtenis ontdek word meer as 12 maande nadat dit gepleeg is, word die eerste bedrae betaalbaar verander na die bedrae wat teenoor hierdie uitbreiding in die bylae vermeld word;
4. niesteenstaande 3 hierbo, mag die Versekerde verkies om slegs vir daardie deel van die verlies te eis wat binne 12 maande ontdek is, in welke geval die eerste bedrag betaalbaar vir daardie tydperk van toepassing is.

### **Vermindering/Herstel van versekerde bedrag** (indien in die bylae as ingesluit vermeld)

Die betaling deur die Maatskappy van enige verlies waarby een Werknemer of enige aantal Werknemers betrokke is verminder nie die Maatskappy se aanspreeklikheid ten opsigte van die res van die versekerde Werknemers nie, met dien verstande dat:

1. die maksimum bedrag wat deur die Maatskappy betaalbaar is vir alle versekerde Werknemers hoogstens dubbel die versekerde bedrag in die bylae behoort;
2. die Versekerde 'n bykomende premie betaal, bereken volgens die volgende formule:

$$\text{Jaarlikse premie van krag ten tyde van ontdekking van verlies} \times \frac{\text{Bedrag van eisbetaling}}{\text{Versekerde bedrag ten tyde van ontdekking van verlies}}$$

Die bykomende premie is ten volle betaalbaar en mag nie verminder word omrede die tydperk tussen die datum van ontdekking van die verlies en die verstrykingsdatum korter as 12 maande is nie.

Die woorde "jaarlikse premie" in die bostaande berekening word verander om te lees "12 maal die maandelikse premie" vir polisse wat maandeliks per debietorder betaal word.

### **Herstel van rekords of dokumente** (indien in die bylae as ingesluit vermeld)

Die Maatskappy sal die Versekerde skadeloos stel vir alle koste en uitgawes aangegaan deur die Versekerde in die vervanging en/of herstel van enige rekenaarleërs en data-media dokumente, manuskripte, besigheidsboeke, planne, ontwerp spesifikasies of –programme wat vernietig, beskadig of vermis is weens die aksies van 'n Werknemer terwyl 'n daad gepleeg word wat deur 'n omskrewe gebeurtenis ingevolge hierdie afdeling gedek is en wat nie andersins ingevolge hierdie afdeling uitgesluit is nie.

### **Terugwerkende dekking (geen vorige polis van krag nie)** (indien in die bylae as ingesluit vermeld)

Hierdie afdeling is ook van toepassing op omskrewe gebeurtenisse soos hierkragtens verseker wat tot die aantal maande of jare soos in die bylae vermeld, voor aanvang van hierdie afdeling plaasvind, maar nie langer as 24 maande voordat dit ontdek is nie, met dien verstande dat die gebeurtenisse ontdek word binne 12 maande ná die beëindiging van die diens van die betrokke

Werknemer of binne 12 maande ná die verstryking van hierdie afdeling.

### **Vervangde versekering** (indien in die bylae as ingesluit vermeld)

Hierdie afdeling is ook van toepassing op omskrewe gebeurtenisse wat hierkragens verseker is wat plaasgevind het gedurende die geldigheidsduur van enige versekering wat deur hierdie afdeling vervang word en in die bylae gespesifiseer word met dien verstande dat:

1. hierdie uitbreiding beperk word tot verliese wat deur die vervangde versekering betaalbaar sou gewees het, maar wat nie opeisbaar is nie weens die verstryking van die tydperk wat deur die vervangde versekering toegelaat word vir die ontdekking van die versekerde gebeurtenisse;
2. die omskrewe gebeurtenisse ontdek word binne 12 maande ná die beëindiging van die diens van die betrokke Werknemer of binne 12 maande na die verstryking van hierdie afdeling;
3. die bedrag betaalbaar ingevolge hierdie uitbreiding hoogstens die bedrag kragens hierdie afdeling verseker of die bedrag kragens die vervangde versekering verseker, wat ook al die minste is, beloop;
4. indien die omskrewe gebeurtenisse waarby een Werknemer of enige aantal Werknemers betrokke is gedurende die geldigheidsduur van hierdie afdeling sowel as die geldigheidsduur van die vervangde polis plaasvind, die maksimum bedrag betaalbaar hoogstens die bedrag beloop verseker deur hierdie afdeling ten tyde van ontdekking van die omskrewe gebeurtenisse;
5. hierdie uitbreiding nie van toepassing is op omskrewe gebeurtenisse wat langer as die getal maande of jare in die bylae vermeld, voor die aanvang van hierdie afdeling, plaasgevind het nie;
6. die Maatskappy nie aanspreeklik is nie vir enige verlies wat langer as 24 maande voor ontdekking plaasgevind het.

## **MEMORANDA**

1. In die geval van die ontdekking van enige verlies wat uit 'n omskrewe gebeurtenis voortspruit, mag die Versekerde, nieteenstaande enigiets tot die teendeel in Algemene voorwaarde 6 vervat, nalaat om die aangeleentheid by die polisie aan te meld, maar sal dit onmiddellik doen indien die Maatskappy of wetgewing dit verlang.
2. Verswyging van sy eie bedrog of oneerlikheid of die van ander persone met wie hy saamspan, deur enige persoon wat die aansoekvorm onderteken of hernuwing of enige ander instruksies gee, benadeel nie enige eis ingevolge hierdie afdeling nie.
3. Algemene uitsluitings 1 en 2 en Algemene voorwaarde 9 is nie op hierdie afdeling van toepassing nie.
4. Indien die versekerde bedrag te eniger tyd verhoog word, is sodanige verhoogde bedrag slegs van toepassing op omskrewe gebeurtenisse wat ná die datum van sodanige verhoging gepleeg word.
5. Enige eerste bedrag betaalbaar ingevolge hierdie afdeling sal van toepassing wees en op dieselfde wyse bereken word ongeag of enige enkele omskrewe gebeurtenis voortspruit uit die handeling van een Werknemer of enige aantal Werknemers wat saamspan.